

CHARLES
V.

au Château du
Bois de Vincennes, le 7.
de Decembre
1374. & le
19. de Sep-
tembre 1371.

de nostre Lignaige, & à touz ceulx qui usent ou puissent user de Prise en nostre Royaume, & à leurs Communis & deputez, au temps present & avenir, & à touz noz autres Julliers & Officiers, ou à leurs Lieux tenans, & à chascun d'eulx, que les diz habitanz qui à present sont, & leurs successeurs qui ou temps avenir seront habitanz de ladicte Ville de Vitry, lessent & facent chascun en droit foy, joir & user de nostre dicte grace & oestroy, & contre la teneur de noz diètes Lettres dessuz transcriptes & de ces presentes, ne les molestent, seuffrent estre molestez ou empeschez en quelxconques manieres que ce soit; & que tout ce qui auroit esté fait, entrepris ou encommanié au contraire, rappellent & mettent du tout au neant senz delay; & en ampliant nostre dicte grace, Nous aus diz habitanz avons donné Conservateur & Commissaire especial, nostre Prevost de Paris & ses successeurs Prevost de Paris, ou leurs Lieux tenans, auquel Nous mandons & par ces presentes commettons, que les diz habitanz & leurs successeurs habitanz de Vitry, facent joir & user de noz grace & oestroy dessuz diz, & les tiengnent & gardent ou facent tenir & garder par leurs Commis, seurs & paisibles de toutes Prises & de touz Preneurs quelxconques, par la fourme & maniere que Nous leur avons oestroyé, & qu'il est en noz diètes Lettres & ci-dessuz devisé, en contraignant ou faisant contraindre à cesser du tout, touz Preneurs & autres qui se voudroient efforcier de faire ou venir contre noz diètes Lettres & grace, ou ycelles empeschier, ou vouloir les diz habitanz ou aucun d'eulx, empeschier ou molester au contraire de ces presentes; & pour ce faire, voulons que nostre dit Prevost & ses successeurs ou leurs Lieux tenans, leur commettent & establisent telles personnes comme bon leur samblera, en quelconque maniere que ce soit; car ainsi le voulons Nous estre fait, & aus diz habitanz l'avons oestroyé & oestroyons de certaine science & grace especial, pour consideration des choses dessuz diètes; nonobstant quelxconques Mandemens ou commissions donnez ou à donner de Nous, ou des diz Maistres & Officiers de nostre Hostel, ou des Hostels de nostre dicte Compaigne, de noz Enfans ou autres usans de Prise en nostre Royaume, ne Lettres subreptices empétrées ou à empétrer au contraire. Et que ce soit ferme chose & estable à tousjours mes, Nous avons fait mettre nostre Seel à ces presentes Lettres: Sauf en autres choses nostre droit, & l'autrui en toutes. *Donné en nostre Chastel du Bois de Vincennes, le VII.^e jour de Decembre, l'an de grace M. CCCLXXIIII. & de nostre Regne le XI.^e*

Par le Roy, L. BLANCHET.

CHARLES
V.

à Paris, le 12.
de Decembre
1374.

(a) *Mandement qui porte qu'il sera payé 110. sols à Henry des Cornetz, pour chaque Marc d'Argent qu'il apportera à la Monnoye de Tournay; & qu'il y sera fait une fabrication d'Espèces.*

^a qu'on ne cesse
d'y travailler.

^b de 96. Pièces
au Marc.

CHARLES par la grace de Dieu Roy de France. Aux Gardes & Maistre-Particulier de nostre Monnoye d'Argent de Tournay: Salut. Savaoir faisons que de nostre commandement & volenté, pour le bien & prouffit de Nous & de noz subgectz, & affin que nostre dite Monnoye ne chée en chomaige, aucuns de noz amez & feaulx Tresoriers & Generaux-Maistres de noz Monnoyes, ont traicté, accordé & marchandé avec Henry des Cornetz Bourgeois de Tournay, en telle maniere que iceluy Henry doit livrer & porter, ou faire livrer & porter en son nom en nostre dite Monnoye, dedans l'Ascension nostre S. prouchainement venant, la somme de deux mil Mares d'Argent allayez à quatre Deniers de Loy, Argent-le-Roy, pour faire & ouvrir Blancs Deniers qui ont cours pour v. Deniers Tournois la Piece, & de ^b VIII.

NOTE.

(a) *Registre E. de la Cour des Monnoyes de Paris, fol.^o 10. verso.*

Avant ces Lettres, il y a:

Lectre pour ouvrir en la Monnoye de Tournay, 11.^o Mares d'argent, à 1111. Deniers de Loy. Item. Cent Mares d'Argent à 11. Deniers de Loy, livrez par Henry des Cornetz.

Solz de poix au Marc de Paris; ^a parmi ce que pour chacun Marc, il aura & luy sera payé par vous cinq Solz Tournois, outre le prix de c. v. Sols Tournois que Nous en donnons à présent; & avec ce, a promis ledit Henry, de livrer en ladite Monnoye à Paris, le 12. de Decembre 1374. ^{a moyennant.} Cent Marcs d'Argent allayez à 11. Deniers de Loy, pour yceulx meſtre & convertir tant en petitz Deniers Tournois, comme en petites Mailles Tournois, autelles & ſemblables de poix & de Loy, comme il a eſté faiet derrenierement en ladite Monnoye; deſquels c. Marcs, il aura & luy ſera payé de chacun Marc, ſemblablement v. Sols Tournois, outre ledit pris de c. v. Sols Tournois; pourquoy Nous vous mandons & à chacun de vous, que les dits v. Sols Tournois, outre ledit pris de c. v. ^b Tournois, vous payez & delivrez au dit Henry, tout ainſi que par luy ou par autre en ſon nom, leſdits Marcs d'Argent vous ſeront livrez & portez en ladiete Monnoye; & par rapportant ces preſentes, ou *Vidimus* d'icelles collacionné par noſtre Chambre des Comptes, avec certification de vous Gardes, des dits Marcs d'Argent ainſi livrez en ladite Monnoye, & reconnoiſſance dudit Henry, de ce que pour ladite cauſe payé luy aurez, tout ce qui ainſi payé luy aura eſté par vous, Nous voulons & mandons eſtre alloüé ès Comptes de vous Maïſtre-Particulier deſſus dit, par noz amez & ſeaulx Gens de noz Comptes à Paris, ſans aucun contredict; nonobſtant quelzconques Ordonnances, Mandemens ou deſſences à ce contraires. *Donné à Paris, le XII. jour de Decembre, l'an de grace mil III. LXXIIII. & le XI. de noſtre Regne.* Ainſi ſigné. *Par le Roy. H. DAUNOY. (b)*

NOTE.

(b) Hy a dans le Regiſtre 106. du Treſor des Chart. Picc. 112. des Lettres de remiſſion du mois de Decembre 1374. pour Adam de la Fere, Maïſtre Particulier de la Monnoye de

Saint Quentin, qui avoit malverſé dans ſon Office; on a crû devoir les faire imprimer ici en Note, parce qu'elles rappellent quelques anciennes Ordonnances faites ſur la fabrication des Monnoyes.

CHARLES, &c. Savoir faiſons à touz preſens & avenir, Nous avoir receüe l'umble ſupplication de Adam de la Fere, Maïſtre-Particulier de la Monnoye d'Or & d'Argent de S.^t Quentin, contenant que pieça ledit Adam priſt ladiete Monnoie de noz amez & ſeaulx les Generaulx-Maïſtres de noz Monnoyes, en certaine ſourme & maniere; lequel Adam promiſt qu'il ſeroit ouvrer ladiete Monnoye bien & loyaulment, ſi comme il eſtoit acouſtumé; & que les deniers d'Or fin aus Fleurs de Liz, appelez Franz, qui ont cours à preſent, ne ſeroient plus ^c eſchars d'aloy de fin Or, que un quart de quarat au Marc; & il ſoit ainſi que par les Inſtructions & Ordonnances de noz Monnoies, gardées & uſées, l'Or qui doit eſtre monnoyé, doye eſtre mis en ciment & demourer ou feu pour le purifier, par certain temps, avant qu'il ſoit forgiez; & que de chaſcun nombre de cinq cens Deniers d'Or qui ſont forgiez, l'en doie mettre un Denier d'Or en Boiſte, pareil à ceulx qui ſont monnoiez, pour noſtre droit garder, & ſavoir le prouffit qui de la Monnoye à Nous doit appartenir; ce nonobſtant ou mois d'Octobre derrenier paſſé, ledit Adam fit monnoier grant quantité d'Or qui n'avoit pas eſté ſouffifamment purifiez en ciment par feu, duquel Or furent mil cinquante-fix deniers d'Or ^d diz Franz, leſquelz ledit Adam apporta devant Jehan de Mons Garde de ladiete Monnoye, pour les faire delivrer; lequel Jehan de Mons diſant que yceulx Deniers d'Or n'eſtoient pas bien fins, ne les ^e volt delivrer; ſi les reprit ledit Adam ſanz les reſondre, les remiſt en ciment & en feu, où ils amenderent peu ou neant, & depuis les reporta audit Jehan de Mons pour les faire delivrer; leſquelz Deniers d'Or furent peſez par ledit Adam qui en y trouva douze vins ſeibles, & le demourant montant à huit cens & ſeze Fleurs de Liz d'Or, ledit Adam ſachant qu'ils n'eſtoient pas fins de la valuë de dix & huit Deniers Tournois pour Piecc, ou environ, fit tant que ledit Jehan de Mons les lui delivra, ^f parmi ce que ledit de Mons en ^g dot avoir une ^h Couſte de la valeur de fix Frans d'Or ou environ; leſquelz huit cens & ſeze Frans qui n'eſtoient pas ſouffifamment affinez, ledit Adam a mis & alloüé à ſon profit, ſenz ce que riens en fuſt mis en Boiſte pour noſtre droit garder; par quoy Nous n'en avons pas eu le profit à Nous appartenant; & ainſi que des douze-vins Frans d'Or ſeibles devant diz, avecques (b) Cizaille & autre Or, ledit Adam ſit monnoier autres ſix cens & vingt-cinq Fleurs de Lis d'Or; deſquelles ſu mis un Denier d'Or en Boiſte, pareil aus autres; leſquelz Deniers d'Or qui n'eſtoient pas deuement affinez, furent delivrez audit Adam, & par lui alloüez comme fins, combien que ceulx qui les receurent, en aient depuis renduz partie, & ont eſté trouvez non fins &

NOTE.

(b) Cizaille.] On appelle Cizailles, ce qui reſte
Tome VI.

d'une lame de metal, quand on a enlevé des Flans pour faire de la Monnoye. Voyez le *Dictionnaire de Trevoux*, au mot, *Cizailles*.

CHARLES
V.

à Paris, le 12.
de Decembre
1374.

^{a moyennant.}

^{b Sols.}

CHARLES
V.

à Melun, en
Decembre

1374.

^c Voy. la *Tabl.*
des mat. des Vol.
de ce Rec. au mot,
Monnoyes.

^d dits.

^e voulut.

^f moyennant.

^g deit.

^h lit de plumes.

ⁱ Voy. le 4.^e Vol.

de ce Rec. pag.

136.